

家死年老而恪性疎今使典糧穀糧穀軍之最要僕雖在遠竊用不安足下特爲啟至尊轉之

與步騭書

僕前軍在五丈原原在武功西十里馬家武功東十餘里有高勢攻之不便是以留耳

戒外甥

夫志當存高遠慕先賢絕情欲棄凝滯使庶幾之情揭然有所存惻然有所感忍屈伸去細碎廣咨問除嫌吝何損於美趣何患於不濟若志不强毅意不忼慨徒碌碌滯於俗默默束於情永竄伏於凡庸不免於下流也

道藏輯要

忠武侯集
遺文

五
星集三

戒子

君子之行靜以修身儉以養德非澹泊無以明志非甯靜無以致遠夫學須靜也才須學也非學無以廣才非靜無以成學惰慢則不能研精險躁則不能理性年與時馳意與歲去遂成枯落悲嘆窮廬將復何及也

又

夫酒之設合禮致情適體歸性禮終而退此和之至也主意未殫賓有餘倦可以至醉無致迷亂

教

計一歲運用蓬旅簞千萬具

寰宇記云渝瀘漢遂合皆出篋子以桃竹爲之柳宗元詩桃
笙葵扇安可常言以桃竹爲笙也方言篋宋魏間謂之笙

又

作部作匕首五百枚以給騎士又曰勅作部皆作十拆予以給
之

又

始出營豎矛戟舒旛旗鳴鼓角行三里辟矛戟結旛旗鳴鼓角
未至營三里復豎矛戟舒旛旗鳴鼓角至營復結旛旗上鼓角
違令者髡

格言

道藏輯要

忠武侯集
遺文

六
星集三

勢利之交難以經遠士之相知溫不增華寒不改葉貫四時而
不衰歷坦險而益固

遠涉帖

師徒遠涉道路甚艱自及襄斜幸皆無恙使還馳此不復具

如秤帖

吾心如秤不能爲人作輕重

張栻曰貞觀政要載公此二語真孔明語也觀廖立李平之
事可見矣

楊慎曰太平御覽載公語曰我心如秤不能爲人作低昂唐
朝曾投人啟曰推諸葛之秤心負姜維之斗胆